

69523

朝城縣志

民國九年冬月重刊

朝城縣舊志

板存勸學所

纂修縣志序

自造書契以代結繩凡事關天下國家者靡不舉而載之方策所以志不忘也逮自唐虞設有尚官名之曰史其所錄之書畧無假貸論者等其權於天與君有由然焉自此以還萬國承風而有志志與史名殊而義一者也獨計史以載天下而於宇內之山川人物或有所遺志以載羣封而於天家之法度紀綱則有所缺之二者非宜兼舉以成一代之宏規者乎斯曲沃衛公所以有彙修通志之

朝城縣志

卷之一

請也夫以郡邑之志體符國史纂修者固當祇肅以將事況有

命自天者哉是志之爲事至重而纂修之爲務至難不可不慎矣朝邑由續志旣成而後五十餘祀紀載無聞其閒時異勢殊風土人物付之煙草雖有孟孝廉兆熊之遺編然厥功未集歛稿深藏諸如故老之傳聞已不勝凋謝之嗟矣頃緣奉檄修纂前令徐允登集邑名賢用興厥務桐於癸丑初秋承乏而與知焉諸賢各出所記更相搜羅而孟生據亦呈其先孝廉

之藏本互爲參詳彙編十卷綱一而目幾六倍焉屬
稿既定而問叙於余余觀夫建革則有豐盛之思疆
域則有高深之慕賦役學校則知耕讀之兼成風俗
禮儀則知古今之不遠睹職官而凜名義更欣人物
之挺出無窮覽藝文而慕經綸益信災祥之相生有
自樂文之備而忘作之勞於是知朝封之志可以彙
天下之編而進之

御

前矣然是書之成也豈伊一人力哉奉檄謀始則有

若前令徐允登署篆濮州州判李襄猷監修則有若

朝城縣志

卷之一

二

儒學訓導劉元禧邑賢原任工部員外江世帶兼纂
修則有若原任澠江府通判王猷運舉人孟鏐拔貢
李業恩貢孟兆圖歲貢張萬壽纂修則有若舉人趙
昶歲貢賈世貞廩生張顥俊王名世孟鏐增生劉芳
聞張雲鵬附生栗人極校正則有若附生謝塚陳止
敬李翹森採輯則有若廩生王建中督梓則有若典
史吳士斌幾經風雨幾閱晨昏理必從經體必依史
有古綱目之遺微焉桐樂是編之成而堪爲不朽也
故爲之叙其梗概云

康熙十二年九月

山東東昌府濮州朝城縣知縣祖植桐謹撰

朝城縣志

卷之一

三

朝城縣志序

邑志纂成群頌我侯之嘉績曠舉郵傳而西余聞風不禁輾然曰朝邑其有起色矣乎往者侯製弁言邑人附其意而揚扞之例也余不敏其曷敢謝竊以志也者識也蓋謂識乎其地其人其事也昀昀原隰草天木喬水流山峙忽焉雕題畫棟古蹟奇觀繡錯於大塊之中而不朽者以出土氣厚則其人淳土脉靈則其人秀于是名公巨卿畸人義士接踵而振衣於上下千百年之間而不可沒者

朝城縣志

卷之一

四

又如是然有其人必有其事或豐功偉烈燦著旂常或幽德隱行干城名教何者不可垂令模而示則倣哉設使彤管不載簡冊無聞縱有龍游虎瞰之與區堯顓禹肩之人文補天浴日之鴻業亦終委之蔓草丘墟焉已矣此廬陵涑水必欲續魯史之傳燈而杜預鄭樵不辭考文獻於備美非徒然也伏遇

當宁右文特允輔臣之請遍徵天下郡邑乘以彙註一統之全書檄下無弗兢兢唯命十五國同風盛

治走琅函芝檢於

闕下者何麟麟炳炳也余知展懌

宸聰當首推我二東何言之識其地不過岱嶽東海之盛識其人不過孔子之大識其事不過禮樂車書之美與夫魚鹽之富功利之強我邑雖壤地褊小亦得與編次之末洵不容不博稽逖覽訂殘補遺以勒成一代信史也溯志之由來曾重修於明萬曆戊午歷今五十餘年之地理蒸變賦役更定職官科貢似續俱付之闕如矣甚至燕井飛雨今

朝城縣志

卷之一

五

且淤塞臧公墓碣埋沒衰草河源汜壅而不可尋
燐樓傾圯而莫之問我邑侯祖公以關東華族來
牧斯土輕徭薄賦百廢振興以其餘力修石燕井
於梵宮窮馬頰河之故渠創建二賢祠重飭文昌
閣允矣崇文教敦實行而仁聲仁聞洽被於疆域
土田者將與雲日爭輝金石其永也余益輾然曰
朝邑其有起色矣乎是役也肇於前任徐公閱數
月而僅脫草而今乃集厥大成矣余不獲從事於
諸君子之後分燈編摩而猶得瞻仰餘澤煥誦而

浩吟之是余之幸也夫是余之幸也夫謹識之以
充副車焉皆

康熙十二年日躔星紀之次

賜進士出身文林郎見任直隸順德府唐山縣知縣
邑人孫纘頓首譔

舊志序

按周禮小史掌邦國之志大史外史掌書外令掌四方之志今郡縣之志固小史外史之遺也所關綦重哉吾邑故無志有之自天城周侯始時則嘉靖辛丑也迄今且八十禩矣往歲心海周侯雅意修葺之而未就丙辰秋晉陽張侯以奕世名家來撫吾邑甫三月政成化行卽索邑乘觀之慨然嘆曰觀風問俗證今傳後惟志是賴今絕筆者垂三世其間有譌者缺者應增續者不亟修葺之恐杞

朝城縣志

卷之一

岳序

一

宋無徵興嗟尼父矣惡得以不急之務視之又惡得以道傍之舍漫爲之於是諏日開局命宿儒歐生仕任及庠彥孟生孔傳等七人草其梗槩侯乃殫精竭思搜故典覈事實譌者正之缺者補之續出者增之修飾而潤色之越數月而告竣凡爲卷有十爲目二十有八上之而天文地理次之而戶口田賦微之而鳥獸草木以至循良之政績薦紳之懿行義夫節婦之雅操及廟堂之綸音與名公騷人之題詠洪纖悉具顯幽靡遺一展卷而宛然

目前方削稿侯令余寓目焉復屬余序之余不能以不文辭廼謬言曰志不欲太簡簡則恐掛一漏萬貽誚也亦不欲太繁繁則恐珠玉瓦礫並收也茲志也瞻而核精而確繁簡得宜紀載得體允可爲信史爲完璧哉河南許州志關中武功志海內亟稱之吾邑茲志當與彼二志並傳不朽矣後之來牧吾邑者覩封疆則思保釐覩戶口則思撫循覩賦役之繁重則思節省覩循良之芳規則思媲美謂非此志激發之也不可不寧惟是卽邑之人

朝城縣志

卷之一

岳序

二

閱茲志而有感焉將指其人而嘉之曰某也忠孝某也方正某也清白某也科名不媿而閭里增光是宜矜而式也又或指其人而議之曰某也混于名教中某也蕩于矩矱外是宜省而戒也可興可觀以勸以懲蓋不減三百篇矣小補云乎哉於戲侯之功偉矣侯太原之忻州人別號文海正德間二張侯先後令吾邑俱有善政而侯卽其後人也其操則冰蘖其才則霹靂手也神君慈母並頌興人吏治文章卓冠當世行且膺內召秉鈞衡以澤

一邑者澤天下異日者將標之國史而華袞之循
良傳矣詎但烜赫邑乘已哉姑俟後之秉筆者

萬厯戊午夏六月之吉

賜進士通奉大夫奉勅整飭靖遠兵糧道食正二品
俸陝西布政司左布政使兼按察司副使邑人岳
萬階撰

朝城縣志

卷之一

岳序

三

舊志序

夫志列國之史也周官外史掌四方之志凡夫體國經野表年類事貞文景哲觀風問俗端於是乎在朝城左跨齊魯右連趙魏壤沃風淳且近孔孟之居文獻俱存豈乏憲典余丙辰秋來牧茲土視篆之明日登耆碩於庭詢其所宜罷行者章程法守罔不粲然可循惟邑乘闕焉非全無也舊有卷若干傳覽既久殘廢頗多是修葺之宜急矣惜未得其人既乃詢之朝人士衆以毆生仕任告以生

朝城縣志

卷之一

張序

四

宿儒年且高習聞邑中故實余故改容禮之生卽慨然草創脫稿授余余復憊邑先達方伯岳公暨平遙侯周公總其綱集庠髦孟生孔傳張生鳳鳴王公起蛟毆生雲陟張生德涵孫生觀泰張生名儒集其成諸君子欣然不余拒於是乎別其卷次定其門彙增其所未備賁其所未飭義例遵當代之制體格兼諸家之規其卷凡十其目凡二十有八是故首之圖經邑境在目次之沿革古今在旦夕矣分野以稽事應城池以固藩垣故次之

疆宇以慎封守市鎮以通有無故又次之從此而壯居處則建置急傳露布則鋪舍又急從此而報神功取諸壇廟館賓旅取諸公署故志及之以表人文以章真麗則於坊額山川以思往昔以仰徽猷則於古跡丘隴故志又次及之志田賦當撫字爲先而馬政兵防皆國家之急務志學校見教化爲本而風俗物產見土地之淳澆職官備紀其里氏而其功德之表著者叙之爲名宦人物統錄其行藏而其勛業之隆赫者揭之爲鄉賢志節烈所

朝城縣志

卷之一

張序

五

以徵女德志恩綸所以彰聖典志藝文所以見才品至於寺觀灾祥神異又淄黃之托居天地之奧秘也故列之爲外紀焉是編也綱舉目張昭如列眉武陽之梗槩雖千伯禰如在朝夕顧懿跡雖存於紙上而披閱實本於心源如觀一事則思一事之究竟何如評一人卽思一人之底蘊安在擷英茹莖勸懲雙係是隨志役精神亦隨志見濫程是所貴于讀志者也不然徒涉獵以供快愉甚非修志意也雖然又有說焉好奇者率創大觀多幸者

每逢盛事余固非好奇者儔而得舉此曠典於地
方或亦一時之幸也朝人其勿罪我

萬曆四十六年歲次戊午夏六月吉日知朝城縣
事山西古晉陽張涇題於應宿之署中

朝城縣志

卷之一

張序

六

朝城縣志序

郡縣之志悉按禹貢分野古今建置沿革與夫名山大川關隘險易人物土產賢淑景行戶口田賦無不備載以故觀風問俗必首及之今

皇上御極十有一年歲次壬子

輔臣曲沃衛公特疏

請

勅直省詳查山川形勢戶口丁徭地畝錢糧風俗人物疆圉險要照河南陝西通志款式纂修成帙送內史彙爲一編進呈

朝城縣志

卷之一

序

七

御覽 撫臺恭奉

俞旨下所屬州縣如式纂修於以見我

朝雍熙之化版輿聿新大一統也猗歟盛哉凡百有司敢不竭蹶從事夫朝邑舊固有志班班可考已非文獻無徵之比然或詳古闕今載大遺細非所以式訓將來也且前志之後又經五十有餘年其間豈無賢豪輩出名宦鄉賢素著者更值桑滄變後時異事殊死忠死節不知其幾皆沒沒無聞將何以垂令名於有示勸英特於靡窮乎此所以

萬曆戊午六月之吉朝城縣儒學教諭李九章頓
首拜書

朝城縣志

卷之一

序

八

朝城縣志跋言

修志之事僅博洽云爾乎抑公虛醇正是賴焉余
謬承祖邑侯及諸君子搦管之命竊思客歲任滇
澂屬五志已爲蒐羅修葺詳序之矣况茲桑梓敬
止其何敢以不文辭又何敢以私心是任偏見是
執乎謹取嘉靖年間志萬厯年間志及濮陽志孟
孝廉家藏志段段參酌一一攷訂其有遺漏者必
僉曰此宜增入也然後增之其有浮蔓者必僉曰
此宜刪去也然後刪之其有差訛舛錯者必僉曰

朝城縣志

卷之一

跋言

九

此宜改正也然後改之先草創次討論次修飾又
次潤色彙集篇帙奉呈祖侯椽筆裁定然後付之
剞劂焉考諸前賢而一謬俟諸後世而不惑卽獻
之上臺播之鄰封展卷瞭然而一十七里事蹟
經數百年厯厯如在目前矣行見庶而富富而教
康叔遺風復覩今日一以罄吾儕勤勩慎重之心
一以體祖侯延攬諮諏之雅更以昭垂

皇清撥亂反治一統無外之宏規也若夫需節愛寓勸
懲備採問前志序之詳且悉矣茲何敢贅因記厥